



Aktivnija potraga za nestalim



Predsjedavajući i članovi Kolegija direktora Instituta za nestale osobe BiH Milutin Mišić, Marko Jurišić i Amor Mašović posjetili su jučer Državnu agenciju za istrage i zaštitu (SIPA) i sastali se sa zamjenikom direktora Đurom Kneževićem. Na sastanku su dogovoreni pravci i modaliteti saradnje, s ciljem ubrzanja procesa pronalaženja nestalih osoba. Predstavnici Instituta sastali su se i sa predstavnicima Sektora za istraživanje ratnih zločina i krivičnih djela kažnjivih po međunarodnom humanitarnom pravu radi konkretizacije saradnje. SIPA su jučer posjetili i predstavnici Fakulteta za kriminalistiku, kriminologiju i sigurnosne studije sa dekanom Nedžadom Korajlićem na čelu. Zaključeno je da će u narednom periodu biti utvrđen sadržaj memoranduma o saradnji, te da će se uskoro pristupiti konkretnim aktivnostima.